

22. maj 2017

**UPA 2018-imi saqqummiunneqartussamik utoqqalinersiallit siusinaartumillu sulisinnaajunnaarnersiutillit saniatigut sulisarnerminni pisartakkaminnik ilanngaaffigititarunnaarnissaata kinguneqaataanik Naalakkersuisut misissuinissamik peqquneqarnissaat pillugu Inatsisartut aalajangiiffissaattut siunnersuut.**

(Inatsisartunut ilaasortaq Villy Olsvig, Inuit Ataqatigiit)

Siumut sinnerlugu qutsavigissavara siunnersuuteqartoq. Siumut pingaartittuaannarpai utoqqaat utoqqalinerminni pitsaasunik atugaqarnissaat, taamatuttaarlu siusinaarlutik sulisinnaajunnaarsimasut aamma pitsaanerpamik atugassaqartinnissaat pingaartittuarlutigu.

SIUMUTmiit tulluusimaarutigiuvaannarparput Utoqqalinersiutit 2016-imi nutartigaasumik atuutilersut siuttuiffiginikuugatsigit. Taamaattumik nuannaarutigaarput siunnersuuteqartup Villy Olsvigip Naalakkersuisut eqqaatimmagit nutarterinerup qanimut malinnaaffigineqarnissaa aaqqitassallu aaqqinnissaanut nalimmarsarneqartuaannarnissaanut periarfissiinissaq.

Ukiuni aggersuni sulisussanik amigaatigaateqalertussaavugut , taamaattumik pingaaruteqarluinnarpoq sapinngisaq naapertorlugu aammalu sulisinnaassuseq aallaavigalugu sulisinnaanissaq, tamatumalu saniatigut peqqissuseq peqqutaalluni sulisinnaaneq killeqalersimappat tamanna aaqqiivigineqarnissaa aamma pingaaruteqarluni.

Utoqqalinersiutinik Siusinaarlunilu sulisinnaajunnaarnersiutit nutartereqarmata qanimut malinnaaffiginissai pingaaruteqarluinnarput, siunertaasoq anguneqarnerseq aammalu suli pitsanngorsaattissaqarnerseq qulakkeerniarnissaa.

Utoqqalinersiutit siusimaarlunilu sulisinnaajunnaarnersiutit inatsisaat assingiingitsuummata immikkut oqaaseqarfigissavagut.

Utoqqalinersiutit nutarternerisa kingorna, periuseq nutaaq atuutilerpoq, pisartakkat assigiingitsut marlunngormata:

Toqqammaviummik utoqqalinersiat: Toqqammaviummik utoqqalinersiat, tassani aapparisaq isertitai apeqqutaanatik nammineq saniatigut isertitat kisimik apeqqutaallutik, nammineq isertitat 216.000 kr.-nit qaangerpatigit toqqammaviummik pensioni appartiukkiartussallutik 332.000 kr.-nillu qaangerneqarpata atorunnaassallutik.

Utoqqalinersianut tapeq: Utoqqalinersianut tapiliussap annertussusaa utoqqalinersiallip inooqateqarpallu isertitaasa annertussusiat apeqqutaalluni, qanoq annertutigisumik pesnionisiat taperneqarnissaat naatsorsorneqartarluni

Utoqqalinersiamut tapeq kisimiittunut 56.000 kr. sinnerlugit saniatigut isertitaqartoqarpat annikillisarneqartassaaq, 216.000 kr.-illu angugaanni tapiliussat atorunnaassallutik.

Utoqqalinersiamut tapeq aappariinnut 83.000 kr. sinnerlugit saniatigut isertitaqartoqarpat annikillisarneqartassaaq, 216.000 kr.-illu angugaanni tapiliussat aappariinnut atorunnaassallutik.

Taakkuuppullumi immaqa annertunerusumik misissuisffigisassat, taakkua saniatigut isertitarineqarsinnaasut qaffannissaat annertunerusumik paasisaqarfigissallugit soqutiginar mata.

Siumut ammaffigaa piaartumik Utoqqalinersiutit tapiata aaqiivigineqarnissaat minnerunngitsumik saniatigut isertitaqarsinnaanerup 56.000 kr ininngaanniik qaffaanissaq – taamaalilluni Utoqqalinersiutinut tapit aatsaat appaafigineqarsinnaanngorlugit 100.000 kr sinnerlugu saniatigut isertitaqaraanni. Taamatuttaarlu aamma aappariit saniatigut isertitarisinnaasat qaffaavigineqarnissaat – taamaattumik misissuisoqarnissaa tamakkiisumik tapersorsorparput.

Siusinaartumi sulisinnaajunnaarsiutillinnut nutarteriner mi siunertaq allaanikuuvoq, tassanilu siunertarineqarnikuulluni sapinngisamik sulisinnaassusillik sulisileqqinnissaat anguniarneqassasoq, taamaalillunilu sulisinnaassuseq aallaavigalugu sulisinnaajunnaarsiutit assigiinngitsut pingasut piulerlutik.

Siumullu nuannaarutigeqisaanik aatsaat taamak amerlatigisut sulileqqinnissaat siunertaralugu sulisinnaanngorsaanerit neqereerutigineqartut amerlalertigilerner i. Tamakkua nalunaarusiorfigineqarnissaat assorujussuaq tusarfiginissaat Siumiit qilanaaraarput. Sulimi pitsanngorsaasoqarsinnaappat pitsanngorsaaqqataanissarput ammaffigigatsigu.

Ataatsimut isugalugit Pisortanit ikiorsiissutit, Ineqarnermut tapit, utoqqalinersiutit, Siusinaarluni sulisinnaajunnaarner siutit il.il. nalilersorneqarnissaat Siumumiit kissaatigaarput – taamaalilluta ikiorsiissutit imminut aporaatinngitsut sapinngisamillu sulisinnaassuseqartut sulilernissaanut siunertaqartumik aaqiisoqarnissaa kissaatigigatsigu tassuunakkullu Utoqqaat, innuttaasut Innarluuteqartut allallu ikiorserneqarnissaminnik pisariaqartitsisut pitsaanerpaamik atugassaqartinniassagatsigit.

Siunnersuut Siumumiit ilalerparput, nutarteriner mi siunertarineqarmat qanimut nalilersuisoqarnissaa taamaalilluta qulakkiissagatsigu nutarterinerup siunertani naapertorlugu ingerlanneqarner soq.

Martha Lund Olsen / Siumut